



SOGFBiH

SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XII

BROJ: 194

DATUM: 9.01.2015. GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Raspisani izbori za načelnike općina Domaljevac-Šamac, Živinice i Kalesija

1

INTERVJU: Nermin Ogrišević, načelnik Općine Cazin

1

Načelniku Memiću potvrđeno priznanje najnačelnik u 2014. godini

3

Općina Novi Grad Sarajevo plasirala 7 mil KM u privredu za proteklu godinu

3

Općina Kakanj osigurala brojne pogodnosti za investitore

4

Grad Bihać za 2015. godinu izdvaja pola miliona KM za poticaj privredi

4

Nova godina u Općini Doboj Jug dočekana sa usvojenim budžetom

5

Potpisani ugovori za gradnju kanalizacionih kolektora u Mostaru

5

Potpisan ugovor o izgradnji Doma kulture u Teočaku

6

Bilten Saveza općina i gradova Federacije Bosne i Hercegovine

RASPISANI IZBORI ZA NAČELNIKE OPĆINA DOMALJEVAC-ŠAMAC, ŽIVINICE I KALESIJA

Centralna izborna komisija (CIK) je na 79. sjednici, održanoj 2.12.2014. godine, donijela Odluku o raspisivanju prijevremenih izbora za načelnika Općine Domaljevac-Šamac, i na 85. sjednici, održanoj 18.12.2014. godine, Odluku o raspisivanju prijevremenih izbora za načelnika Općine Živinice i Općine Kalesija. Izbori za načelnika Općine Domaljevac-Šamac održat će se u nedjelju, 1. februara/veljače 2015. godine, a za načelnika Općine Živinice i Općine Kalesija u nedjelju, 22. februara/veljače 2015. godine.

CIK je izvršio ovjeru kandidata za prijevremene izbore za načelnika Općine Domaljevac-Šamac, a to su Mato Prgomet (HDZBIH) i Mario Jurkić (HDZ1990).

Objava konačnih listi kandidata za prijevremene izbore za načelnika Općine Živinice i Općine Kalesija obaviti će se najkasnije do 29. januara/siječnja 2015. godine.

Utvrđivanje i objavu rezultata izbora CIK će obaviti najkasnije u roku od 7 dana, odnosno do 8.02.2015. za načelnika Općine Domaljevac-Šamac, te do 1.03.2015. godine za načelnika Općine Živinice i Općine Kalesija.

Više informacija na www.izbori.ba



INTERVJU: NERMIN OGREŠEVIĆ, NAČELNIK OPĆINE CAZIN

SARAJEVO, 28. decembar/prosinac (ONASA) – Načelnik Općine Cazin Nermin Ogrišević u intervjuu Agenciji ONASA, između ostalog, govori o najznačajnijim projektima realizovanim u proteklom periodu, privrednim granama koje imaju najveći potencijal za ulaganja, stepenu zaposlenosti, saradnji sa Savezom općina i gradova FBiH i u čemu se ona ogleda?

ONASA: Kako ocjenjujete rad Općine Cazin u proteklom periodu? Koji su najznačajniji projekti koje ste realizovali?

OGRIŠEVIĆ: Općina Cazin je, rekao bih, prostor na kojem su već duže vrijeme stalno aktuelni različiti projekti. Nekada manji po obimu, a veći po svome značaju ili obrnuto, ali u svakom slučaju stalno smo aktivni i jako puno se radi i u privatnom i društvenom sektoru. Općina Cazin je u ovoj godini realizirala blizu tri miliona maraka u infrastrukturu. O tome svjedoče sasvim izmijenjene slike naših naselja i podizanje kvalitete života građana u svim djelovima općine jer nam je cijelo vrijeme osnovni cilj u radu postići jednakomjeran razvoj općine i svima pružiti jednake šanse. U ovoj smo godini pokrenuli značajan projekat preuzimanja preostalih kapaciteta nekadašnje Tvornice kartona i ambalaže u Cazinu za koji općina ima konkretne programe koji bi omogućili otvaranje novih potencijala u privrednoj i poljoprivrednoj proizvodnji. U svakom slučaju, protekli period obilježava vrlo radna atmosfera koja će sigurno biti nastavljena i ubuduće kada je Cazin u pitanju.



Nermin Ogrišević, načelnik Općine Cazin



Grb Općine Cazin

**KORISNI LINKOVI ZA
PREDPRISTUPNE FONDove EU:**

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Cazin

ONASA: Koliko je Općina u tekućoj godini izdvojila sredstava za podršku privredi? Koliko je sredstava za te namjene planirano u 2015.?

OGREŠEVIĆ: Prema svim pokazateljima, općina Cazin je privredni i trgovački centar Unsko-sanskog kantona, a i šire. U razvoj privrede se ulaže na različite načine, a kako imamo blizu 1.400 registriranih malih i srednjih preduzeća iz različitih branši i najveći broj registriranih poljoprivrednih gazdinstava u Federaciji, gotovo sva naša ulaganja odnose se na privredni razvoj. Kada govorimo u brojkama, može se istaknuti da smo u proteklih šest godina izdvajali u prosjeku pola miliona maraka godišnje za poticaje u poljoprivredi. To nas kao općinu i lokalnu zajednicu također, izdvaja kao rijedak primjer u BiH. Naime, razvoj svakog poljoprivrednog gazdinstva je otvaranje novih radnih mjesta i napredak cijele zajednice i mi smo to prepoznali, ne samo kao stratešku mogućnost već kao konkretan oblik poticaja u razvoju. Kao jedan od uspjeha istaknuo bih i više od million maraka koje smo obezbijedili za uspostavu Poslovne zone.

ONASA: Koje privredne grane imaju najveći potencijal za ulaganje i šta Općina čini kako bi privukla investitore, domaće i strane?

OGREŠEVIĆ: Kako sam već istaknuo, uz veliki broj različitih trgovačkih i proizvodnih djelatnosti, poljoprivredna je proizvodnja ovdje jednako zastupljena i u fazi značajnog napretka. Kao općina sa više od 70.000 stanovnika na koju je u privrednom i trgovačkom smislu oslonjeno i još najmanje 250.000 preostalog stanovništva Unsko-sanskog kantona, naši su kapaciteti raznoliki i mi ih nastojimo na sve načine promovirati. Ta se promocija ogleda u cijelom našem dosadašnjem radu koji je, uz uređenje sistema lokalne zajednice, definiran i kroz ulaganja i sveukupnu infrastrukturu. Promijenili smo imidž naše općine i ona je sada već prepoznatljiva u zemlji i regiji kao otvorena i aktivna sredina u koju su investitori dobro došli. Svakodnevno radimo upravo na takvim ciljevima.

ONASA: Da li ste zadovoljni stepenom zaposlenosti na području općine Cazin i koje napore Općina ulaže u poboljšanje stope zaposlenosti?

OGREŠEVIĆ: Naravno da ne možemo biti nikako zadovoljni stepenom zaposlenosti. Mogu slobodno kazati da sve što radimo činimo upravo u cilju konkretnih i značajnih poboljšanja u tom smislu. Sve što smo do sada učinili, od uspostave vodovodnog sistema na području cijele općine, preko 300 kilometara asfaltiranih lokalnih puteva, obnove školskih i izgradnje društvenih objekata, uređenja grada, pokretanja radova na izgradnji centralnog kanalizacijskog sistema, uvođenju novih metoda u radu lokalne uprave, donošenje novih odluka i odredbi, itd...sve je to u cilju osiguravanja razvoja privrede, odnosno obezbjeđivanja novih radnih mjesta. U našoj perspektivi, Cazin je općina u kojoj žive zadovoljni ljudi, a jedan od osnovnih uvjeta za kvalitetan život su radna mjesta i mogućnosti za obezbjeđivanje egzistencije.

ONASA: Koji su najčešći problemi s kojima se suočava općina Cazin?

OGREŠEVIĆ: Mislim da su to, kao i kod drugih lokalnih zajednica u našoj zemlji, nadležnosti. Prvi smo do građana, a naše su mogućnosti za rješavanje brojnih ključnih problema ograničene i često se tiču viših nivoa vlasti. Pri tom, najčešće se predugo čeka na određena rješenja i tu dolazi do značajnog gubitka vremena, a sigurno i sredstava.

ONASA: Imate li podršku viših nivoa vlasti? Koliko ste zadovoljni izdvajanjem sredstava za općinu Cazin?

OGREŠEVIĆ: Podršku od viših nivoa vlasti, moglo bi se reći, imamo od slučaja do slučaja. Razlog tome je nedostatak sistemskih rješenja u našoj zemlji i često nemamo dobre partnere na drugoj strani, uglavnom nedovoljno zainteresirane za probleme lokalne zajednice. Izdvajanjem sredstava ne možemo biti zadovoljni, kao ni povratom prihoda od poreza, koji se ubiru na području naše općine.

ONASA: Kakva je Vaša saradnja sa Savezom općina i gradova FBiH, u čemu se ona ogleda?

OGREŠEVIĆ: Odlična saradnja od samoga početka. Od zajedničkog donošenja prijedloga novih zakonskih rješenja do razmjene informacija i iskustava, Savez općina je tijelo koje koristi svojim članicama i značajno nam pomaže u nastojanjima da ispravimo brojna nepravredna rješenja s kojima se nose lokalne zajednice.

ONASA: Na čemu će biti akcenat rada lokalne vlasti u Czinu u narednom periodu?

OGREŠEVIĆ: Ekonomski razvoj ostaje u našem fokusu, ali se ne može ne spomenuti veliki projekat centralnog kanalizacijskog sistema vrijedan više od 30 miliona maraka na kojem će sigurno u narednom period biti još puno radova. Tu su i naše ostale tekuće aktivnosti i istrajavanje da općina Cazin nastavi biti mjesto novih projekata, razvoja i napretka u svakom pogledu.

Gledajte Savez općina i gradova
Federacije Bosne i Hercegovine na



NAČELNIKU MEMIĆU POTVRĐENO PRIZNANJE NAJNAČELNIK I U 2014. GODINI

Načelnik Općine Ilidža prof. dr. Senaid Memić 16. decembra/prosinca u Banjoj Luci izabran je ponovo za najnačelnika za 2014. godinu u BiH. U Banskim dvorima dodijeljena mu je još jedna nagrada na 31. Izboru najmenadžera u organizaciji Direkcije Agencije za izbor najmenadžera BiH jugoistočne i srednje Evrope. Načelnik Općine Ilidža prof. dr. Senaid Memić priznanje je dobio za konkretne rezultate koje je kao menadžer postigao u praksi kad je riječ o razvoju općine i turizma u ovoj lokalnoj zajednici. Stručni žiri prepoznao je rad i aktivnosti načelnika općine Ilidža i donio odluku da prof. dr. Senaid Memić dobije prestižno priznanje „Najnačelnik 2014“ zbog stvaranja i unapređenja poslovnog ambijenta i uticaja na razvoj turizma.

„Drago mi je što je moja vizija razvoja Općine Ilidža prepoznata i od pojedinaca i različitih institucija. Infrastruktura je preduvjet razvoja privrede. Mi u Općini Ilidža pokušavamo i mislim da uspijevamo da ne budemo kočnica našim privrednicima već da im budemo na usluzi.

Turizam će i dalje biti okosnica našeg razvoja, a što podrazumjeva nastavak uređenje infrastrukture i izgradnju novih sadržaja i ko jednom dođe na Ilidžu da nam se ponovo vrati“ rekao je, između ostalog Memić.

Direkcija je jedini globalni i nezavisni autoritet na području jugoistočne i srednje Evrope, a prisutna je u tridesetak zemalja. Zajedno s načelnikom Memićem, proglašeno je i dvadesetak najuspješnijih privrednika. Priznanja, po izboru Direkcije za izbor najmenadžera BiH, jugoistočne i srednje Evrope, dobili su i direktor trgovačkog lanca 'Konzum' David Dolinar, direktor 'Petrol BH Oil komani' Uroš Bider i direktor Javnog preduzeća 'Šume Republike Srpske' Predrag Laketić. Specijalno priznanje za uspješan podsticaj razvoju biznisa uručeno je direktoru Misije USAID-a u BiH Dejvidu Bartu, zlatna plaketa – najambasador za 2014. godinu uručena je ambasadoru Kine u BiH Dongu Čunfengu, dok je priznanje za najministra dobio federalni ministar energetike, rudarstva i industrije Erdal Trhulj. Vlasnik i glavni urednik 'Face TV' Sarajevo Senad Hadžifejzović dobitnik je zlatne plakete za najmenadžera u oblasti informisanja. Nagradu za životno djelo 'Zlatni globus' osvojili su generalni direktor 'BH telekoma' Nedžad Rešidbegović i direktor kompanije 'Uniks gineks' iz Goražda Jusuf Hubjer. U sklopu svečanosti dodjele priznanja najuspješnijima održana je i Međunarodna poslovna konferencija pod nazivom „Privredni razvoj i suradnja, kuda i kako dalje u 2014“.



Načelnik Općine Ilidža, prof.dr. Senaid Memić dobitnik nagrade najnačelnik za 2014. godinu u BiH

“Mi u Općini Ilidža pokušavamo i mislim da uspijevamo da ne budemo kočnica našim privrednicima već da im budemo na usluzi. Turizam će i dalje biti okosnica našeg razvoja, a što podrazumjeva nastavak uređenje infrastrukture i izgradnju novih sadržaja i ko jednom dođe na Ilidžu da nam se ponovo vrati.”

OPĆINA NOVI GRAD SARAJEVO PLASIRALA 7 MILIONA MARAKA U PRIVREDU ZA PROTEKLU GODINU

Općina Novi Grad Sarajevo u saradnji sa komercijalnom bankom BBI (Bosna Bank International) obezbjeđuje najpovoljnija finansijska sredstva za privredne subjekte koji posluju na području ove općine.

„Na ovaj način želimo podržati privrednike i olakšati im poslovanje, te pomoći očuvanju radnih mjesta i povećanje nivoa zaposlenosti“, navodi se na web stranici Općine Novi Grad Sarajevo.

Ovaj projekat privrednicima omogućava da dobiju finansiranje po najpovoljnijim uslovima u Bosni i Hercegovini (profitna stopa od 1,99% do 3,29%), jer Općina Novi Grad Sarajevo subvencionira dio profitne stope.

U periodu decembar 2013. godine – decembar 2014. godine, na ovaj način, plasirano je gotovo 7 miliona KM po profitnoj stopi već od 1,99%.

Finansiranjem je obuhvaćeno četrdesetak kompanija koje su zadržale i uposile više od 2.200 radnika kroz ovaj projekat.

Razvoj privrede i povećanje zaposlenosti strateški je cilj Općine Novi Grad Sarajevo, pa su tako i u Budžetu za 2015. godinu planirana značajna sredstva za podsticaj privredi. Ova opredjeljenost Općine i dobra komunikacija i saradnja sa privrednicima, rezultirat će mjerama koje će doprinjeti razvoju već prepoznatljive, pozitivne poslovne klime u najmnogoljudnijoj općini u Bosni i Hercegovini.

**FINANSIJSKA LINIJA ZA PRIVREDNIKE
OPĆINE NOVI GRAD SARAJEVO**

BBI Bosna Bank International

NASTAVITE USPIJEŠNO POSLOVATI I U 2014.

**ENERGIJA
ZA VAŠ BIZNIS**

**1,99%
do
3,29%**

KPM tračunima za iznos KM 100.000 uz naknadu za obradu iznosa KM 200,00 od ostvarenog iznosa finansiranja na period od 12 mjeseci

Info broj: 0800 200 20



Grb Općine Kakanj

OPĆINA KAKANJ OSIGURALA BROJNE POGODNOSTI ZA INVESTITORE

U protekle dvije godine Općina Kakanj je osigurala brojne pogodnosti za investicije što je rezultiralo jačanjem poduzetničke inicijative u Kaknju i izgradnjom novih fabrika. Za gradnju objekata u Kaknju investitorima pripada poticaj u vidu povrata novčanih sredstava od naknade koja se obračunava za rentu i naknade za uređenje gradskog građevinskog zemljišta. Osim toga, pravo na poticaj u vidu oslobođanja od plaćanja naknade za korištenje gradskog građevinskog zemljišta i komunalne naknade stiže investitor za parcelu na kojoj gradi objekat u periodu od 5 godina od dana pribavljanja odobrenja za upotrebu objekta.

Odlukom o općinskim taksama na istaknutu firmu određeno je i umanjenje visine taksi u većini djelatnosti, te oslobođanje pojedinih taksenih obveznika u potpunosti ili za određeni period. Takseni obveznici koji su počeli sa obavljanjem registrirane djelatnosti u toku tekuće godine oslobođaju se plaćanja takse na istaknutu firmu za tu godinu.

Od obaveze plaćanja takse oslobođena su pravna i fizička lica koja registriraju proizvodne djelatnosti, za prvu godinu 100 %, a za drugu godinu 50 % od ukupnog iznosa taksene obaveze. Općina Kakanj kontinuirano radi i na pripremi lokacija koje su pogodne za realizaciju poduzetničkih inicijativa.

Umjesto investitora općinski službenici preuzimaju brigu stalnog praćenja toka predmeta koji se odnose na registraciju firme kod nadležnih organa, mole za ubrzavanje procedura, daju pravne savjete i upute investitorima, sa investitorima odlaze kod notara, pomažu kod prikupljanja dokumentacije, za investitore prikupljaju potrebne podatke, pronalaze najbolja rješenja kako bi investitori realizirali svoje ideje, na usluzi su investitorima 24 sata dnevno. Vrata Općine Kakanj su za investitore uvijek otvorena bez potrebe za protokolarnim najavama i nepotrebnim čekanjima na sastanke, na usluzi investitorima su svi općinski resursi.




KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

GRAD BIHAĆ ZA 2015. GODINU IZDVAJA POLA MILIONA KM ZA POTICAJ PRIVREDI

BIHAĆ, 7. januar/siječanj –

Grad Bihać i u novoj 2015. godini nastavlja sa projektima koji imaju za cilj direktnu podršku privredi, odnosno povećanju broja zaposlenih. Nakon što je Gradsko vijeće Bihaća krajem prošle godine usvojilo budžet za 2015. godinu operativan je postao i program poticaja privredi u ovoj godini. On predviđa 511.000 KM poticajnih sredstava koja se između ostalog odnose na regresiranje kamata u privredi



Gradonačelnik Galijašević u posjeti bihaćkim privrednicima

(35.000 KM), Program dokvalifikacije, prekvalifikacije i stručnog usavršavanja i osposobljavanja kadrova za zapošljavanje u proizvodnom sektoru (15.000 KM), Program sufinansiranja zapošljavanja pripravnika-volontera u realnom sektoru (20.000 KM) i Program učešća privrednika grada Bihaća na sajmovima i poslovnim konferencijama (5.000 KM). Program poticajnih sredstava biti će dostavljen svim privrednicima u Bihaću, a tokom posjete privatnoj kompaniji Freeli, gradonačelnik Galijašević kazao je da svojim programom poticaja grad Bihać želi potaknuti i ostale nivoe vlasti u našoj zemlji da u budžetima osiguraju sredstva za privredu. "Pomagali smo naše privrednike i prošle godine, to evo vidite činimo i ove godine i zaista ovo je dio našeg društva od kojeg zavisi kompletan razvoj grada i zbog toga privredi se konačno mora posvetiti pažnja kako bi se privatni i javni sektor približili po platama. Vrijeme je za konkretne poteze a ne priču, jer više vremena nemamo za priču, već samo za konkretna djela," - kazao je gradonačelnik Galijašević.



Grb Grada Bihać



NOVA 2015. GODINA U OPĆINI DOBOJ JUG DOČEKANA SA USVOJENIM BUDŽETOM



U novu godinu, Općina Doboju Jug je ušla optimistički, bez obzira na sve teškoće koje je ova lokalna zajednica doživjela u godini koja je iza njih, navode iz Općine Doboju Jug. Ogromne materijalne štete, koje su nastale majskim poplavom, predstavljale su veliko iskušenje, kako za građane, tako i za općinsku upravu. Ipak se i u takvim okolnostima radilo i investiralo, a taj tren će se nastaviti i u tekućoj 2015.-toj godini. Kao razlog za optimizam, iz Općine ističu blagovremeno usvajanje općinskog budžeta za 2015. godinu.

„Općinsko vijeće je tokom proteklog mjeseca imalo dva zasjedanja (18. i 26.12.2014.), što je potvrda da je šesti saziv ovog predstavničkog organa, zaključno sa decembrom, održao dvadesettri sjednice i to je jako dobar učinak“.

Općinska načelnica, Jasminka Begić se na početku zadnje sjednice Općinskog vijeća u decembru javno zahvalila svim vijećnicima na korektnom radu i doprinosu u rješavanju zajedničkih problema od interesa za građane Doboju Juga. Iskoristila je priliku da oda posebno priznanje i najjaktivnijem vijećniku Izudinu S. Aličiću uručivši mu skroman poklon.

Usvajanje budžeta u visini od 3.354.956,00 KM je kruna rada ove lokalne zajednice, pogotovo ako se zna da će se mnogi projekti poput nastavka izgradnje kanalizacione mreže, puteva, rasvjete, proširenje vodovoda nastaviti čim se za to ukažu vremenske prilike.

Na sastanku sa privrednicima jedan od prioriteta njihovih zahtjeva je bilo rješavanje zaštite od izlivanja rijeke Usore čime bi posljedice plavljenja bile znatno umanjene.

Kako je za 2015. godinu najavljen početak radova na dionici autoputa na koridoru V-C na potezu Doboju Jug-Žepče, realno je očekivati da će se uskoro i ovo, vrlo važno pitanje razriješiti. Uostalom, općinska načelnica je već na ovu temu načela razgovore sa resornim federalnim ministarstvom, navodi se iz Općine Doboju Jug.

Na web stranici Općine Doboju Jug, može se pogledati kompletan budžet za 2015. godinu.



Uručenje priznanja najaktivnijem vijećniku

POTPISANI UGOVORI ZA GRADNJU KANALIZACIJSKIH KOLEKTORA U GRADU MOSTARU

MOSTAR, 29. decembar/prosinac – Gradonačelnik Mostara, Ljubo Bešlić potpisao je danas sa izvođačima radova ugovore o izgradnji glavnih kanalizacijskih kolektora Grada Mostara ukupne vrijednosti od oko 3 miliona maraka, navodi se na gradskoj web stranici.

Mostarski gradonačelnik izgradnju kolektora nazvao je historijskim trenutkom za Mostar, podsjetivši kako je situacija s postojećim kanalizacijskim sustavom neodrživa jer svaka malo veća oborina stvara poteškoće i građanima i gradskim vodovodima.

„Naša je želja da grad Mostar bude ekološki osviješten i da svojim primjerom pomogne i drugim sredinama“, kazao je Bešlić, podsjetivši kako Grad već gradi pročišćivač otpadnih voda.

Premijer Federacije Nermin Nikšić, koji je također nazočio potpisivanju ugovora čestitao je potpisnicima, posebice domaćim izvođačima za koje je kazao kako je siguran da će završiti radove kvalitetno i u planiranom roku.

Govoreći o cjelokupnom projektu prikupljanja i prečišćavanja otpadnih voda Emir Nuspahić, šef Službe za građenje infrastrukturnih objekata grada Mostara, kazao je kako Grad nema uređaj za tretman otpadnih voda, kao ni centralni kanalizacijski sustav tako da se trenutno sve vode i otpadne i oborinske slijevaju u Neretvu i Radobolju bez ikakvog prečišćavanja.

Po njegovim riječima, ni kanalizacijska mreža još nije u potpunosti izgrađena zbog čega pojedini dijelovi centra grada još uvijek nemaju kanalizaciju. Inače, vrijednost izgradnje glavnih kanalizacijskih kolektora na području Grada procijenjena je na 12 miliona eura.



Grb Grada Mostara



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Pratite Savez općina i gradova
Federacije Bosne i Hercegovine na



Pratite Savez općina
i gradova FBiH na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu proslijedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

POTPISAN UGOVOR O IZGRADNJI DOMA KULTURE U TEOČAKU



Federalni ministar raseljenih osoba i izbjeglica mr.Adil Osmanović, načelnik Općine Teočak, Tajib Muminović, i direktor poduzeća "Gromex" doo iz Srebrenika, Čazim Muratović potpisali su ugovor o izvođenju radova na izgradnji Doma kulture u općini Teočak.

Vrijednost ugovorenih radova je 230.577,30 KM, od čega je obaveza Federalnog ministarstva raseljenih lica i izbjeglica 180.000,00 KM, a Općine Teočak 50.000,00 KM. Rok za završetak ugovorenih radova je, ukoliko to vremenske prilike dozvole, šezdeset radnih dana od dana uvođenja izvođača radova u posao.

U prizemlju objekta predviđena je velika

multifunkcionalna sala koja će se koristiti kao sala za konferencije kapaciteta 80 osoba, za razne edukacije i smještaj biblioteke. Objekat će sadržavati i manju salu za sastanke kapaciteta do 15 osoba koja će, takođe, biti smještena u prizemlju objekta.

Na spratu objekta svoje prostorije će dobiti boračke organizacije, Medžlis Islamske zajednice Teočak, BZK „Preporod“ Teočak i MZ Centar.



Grb Općine Teočak